

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Održana sjednica Komisije za ustavna i zakonodavna pitanja Saveza	1
Održan radni sastanak povodom Nacrta preporuka za promjenu Ustava FBiH	1
INTERVJU: Amra Babić, načelnica Općine Visoko	2
Za završno uređenje korita vodopada Plive u Jajcu Vlada FBiH izdvaja 350 mil. KM	5
Na kazinskim ulicama postavljeni prvi kontejneri za selektivno prikupljanje otpada	5
Posjet člana njemačkog Bundestaga Gradačcu	6
Predstavnici Turske razvojne agencije TIKA u posjeti Općini Odžak	6
Delegacija Brčko distrikta BiH učestvovala u radu Skupštine evropskih regija	7
Mapiranje raspoloživih finansijskih sredstava za finansiranje projekata na lokalnom nivou	8
NAJAVA održavanja dva okrugla stola na temu: "Iskustva i poteškoće JLS u vezi sa raspodjelom budžetskih sredstava OCD"	8
Dani općina za mjesec juni/lipanj i bitni datumi za Savez	9

Bilten Saveza općina i gradova Federacije Bosne i Hercegovine

ODRŽANA SJEDNICA KOMISIJE ZA USTAVNA I ZAKONODAVNA PITANJA SAVEZA OPĆINA I GRADOVA FBiH

U prostorijama Saveza općina i gradova Federacije Bosne i Hercegovine, 23. maja/svibnja održana je Prva konstituirajuća sjednica skupštinske Komisije za ustavna i zakonodavna pitanja Saveza općina i gradova FBiH.

Sjednici su prisustvovali članovi Komisije Esmir Brković, Čedomir Jelić, Aida Daul, Predrag Šupljeglav, Vildana Smajović-Hoti i Josip Vidović, te Nedžad Koldžo, načelnik Općine Novo Sarajevo, Vesna Travljanin, direktor Saveza i Zlata Turkić.

Glavna tačka, zbog koje se i sazvala sjednica Komisije bila je razmatranje dokumenata Ekspertne grupe za reformu Ustava FBiH, i to:

- Nacrt preporuka Ekspertne grupe za reformu Ustava FBiH
- Ustavna reforma- Analiza opravdanosti
- Ekonomska analiza

Uvodne napomene dao je Nedžad Koldžo i istakao da je ovo veoma važan dokument sačinjen sa dobrom namjerom koji sadrži neka dobra rješenja, ali nedostatke koji se ogledaju u nedovoljnoj preciznosti nekih postavki, a posebno nedovoljnoj zastupljenosti Evropske povelje o lokalnoj samoupravi.

Nakon rasprave Komisija je usvojila generalni zaključak:

Komisija podržava Preporuke ekspertne grupe za reformu Ustava Federacije Bosne i Hercegovine uz poštovanje slijedećih principa:

- predložiti novi cjeloviti tekst Ustava Federacije BiH;
- dosljedna primjena Evropske povelje o lokalnoj samoupravi;
- jasno definisana podjela nadležnosti po nivoima vlasti, a naročito davanje većih nadležnosti općinama kao jedinicama lokalne samouprave;
- izbjegavanja asimetričnih rješenja na svim nivoima vlasti.

U preambuli Preporuka navesti Evropsku povelju o lokalnoj samoupravi.

Nakon generalnog zaključka, Komisija je vodila raspravu o svakoj tački iz preporuka, te donijela i pojedinačne zaključke.

ODRŽAN RADNI SASTANAK POVODOM NACRTA PREPORUKA ZA PROMJENU USTAVA FBiH

SARAJEVO, 21. maj/svibanj – Sarajevska Općina Stari Grad organizovala je danas u Sarajevu radni sastanak na kojem je razmatran Nacrt preporuka za promjenu Ustava Federacije BiH.

Na radni sastanak pozvani su premijer Kantona Sarajevo Suad Zeljković, gradonačelnik Sarajeva Ivo Komšić, načelnici svih općina u KS, te Savez općina i gradova Federacije BiH.

Domaćin sastanka, Načelnik Ibrahim Hadžibajrić, kao domaćin skupa kazao je da je ovo prvi sastanak radno-konsultativnog karaktera, na kojem se trebaju zauzeti određeni stavovi, dok je Općina Stari Grad, već napravila određene prijedloge i sugestije u vezi s ovim nacrtom. Smatra da je prvih 50-ak preporuka, od ukupno 181, sasvim prihvatljivo, dok se preostale nisu previše doticale lokalne samouprave. Kada su u pitanju općinske nadležnosti, načelnik Hadžibajrić smatra da je u Nacrtu preporuka prisutna velika indolentnost.



Grb Općine Stari Grad
SarajevoKORISNI LINKOVI ZA PREDPRISTUPNE
FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.chc-cro-bih.net
www.programmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu



Grb Općine Visoko

Viša saradnica za rad sa skupštinskim komisijama i institucijama vlasti u Savezu općina i gradova Federacije BiH Zlata Turkić kazala je da će preporuke ove institucije ići u smjeru jačanja pozicioniranja lokalne samouprave u Ustavu Federacije BiH. „Do sada to nije bio slučaj. Ni u preporukama nema konkretizovano šta je to što se odnosi na lokalnu samoupravu, a svi znamo da je ona fundus društvenog sistema i zaista je negdje na margini i u Ustavu i u mnogim zakonskim rješenjima", ocijenila je Turkić. Savez općina i gradova Federacije BiH poslao je svim općinama sve dokumente koje je predstavila ekspertna grupa 14. maja/svibnja, i očekuje od njih primjedbe. "Za dva dana biće održana sjednica Komisije za ustavna i zakonodavna pitanja Saveza i sve ono što iz lokalnih zajednica dođe kao primjedba, prijedlog i sugestija biće sumirano na sjednici Predsjedništva, koja je zakazana za 29. maja/svibnja. Te primjedbe poslaćemo ekspertnoj grupi", kazala je Turkić. Ona smatra da će do jačanja lokalne samouprave doći samo ukoliko prenesene nadležnosti budu poduprijeti i finansijskim sredstvima. "Prema Zakonu o principima lokalne samouprave nema prenosa nadležnosti bez prenosa sredstava, što je do sada u većini slučajeva bila praksa. Zaista, lokalne samouprave prepuštene su same sebi i niz nadležnosti sa viših nivoa vlasti prenosi se na općine bez prenosa sredstava, tako da ih lokalne zajednice nisu u mogućnosti do kraja ispoštovati", dodala je Turkić.

Docent ustavnog prava Šukrija Bakšić, koji je bio jedan od uvodničara na današnjem sastanku, smatra da su dobra strana urađenih preporuka pojedinosti koje su eksperti radne grupe izveli do kraja. "Gledajući teorijski-pravno, jedno teško pitanje koje se odnosi na uređenje preambule, koja je u postojećem konceptu zastarjela i neprilagođena, radna grupa u dobroj je mjeri riješila. Također, preraspored određenih poglavlja koji se predlaže u preporukama je savremen i odgovara budućim potrebama", rekao je Bakšić. Međutim, ocijenio je da, iako se kod pojedinih preporuka nalaze konkretni prijedlozi za izmjene pojedinih članova, u većini slučajeva ostalo se samo na određenim konstatacijama i prijedlozima koji nisu nomotehnički do kraja obrađeni, dok se na pojedinim mjestima preporukama čak zadire u poslovničku, odnosno zakonsku materiju. "Dakle, radi se o nekim stvarima koje nisu u domenu Ustava ili su već na nekom drugom nivou regulisane", kazao je Bakšić. Prema njegovom mišljenju, Nacrt preporuka za promjenu Ustava Federacije BiH najmanje je uložio energije na jedinice lokalne samouprave. "U ovoj je fazi teško govoriti o tome da li su preporuke dobre ili nisu. One su praktično vrijednosno-neutralne u odnosu na jedinice lokalne samouprave, jer ne unose ništa novo, niti izbacuju ono što su morale izbaciti", dodao je Bakšić.

INTERVJU: AMRA BABIĆ, NAČELNICA OPĆINE VISOKO

Razgovarao: Adis BRDARIĆ

SARAJEVO, 23. maj/svibanj (ONASA) - Načelnica Općine Visoko Amra Babić u intervjuu za Agenciju ONASA govori, između ostalog, o stanju u općini Visoko, najznačajnijim realiziranim i planiranim projektima, privrednim subjektima koji posluju u Visokom i poslovnom ambijentu, problemima sa kojima se susreće Općina, zaposlenim, saradnji sa Savezom općina i gradova Federacije BiH...



ONASA: Po čemu je općina Visoko prepoznatljiva u odnosu na ostale općine?

A. BABIĆ: Visoko je grad bogate historije koja seže daleko u prošlost. To je mjesto gdje su se desile mnoge bitne stvari, a najviše njih je u vezi sa Srednjovjekovnom državom Bosnom (Zemlja Bosna). Općepoznata je činjenica da je grad Visoko bio Kraljevski grad gdje su stolovali bosanski kraljevi i gdje su već tada u duh ovog podneblja utakli korijene snažne visočke i bosanskohercegovačke tradicije. To znači da je Bosna nastala upravo u Visokom iz kojeg se stolovalo i vladalo, i to je dio historije koji je dugi period bio "stavljn po strani". Mislim da, u tom smislu, trebamo više afirmisati Visoko i, uslovno rečeno, eksploatisati taj dio historije.

Razvoj historijskog turizma u budućnosti treba da bude jedna od perspektiva cijele općine. Danas je Visoko moderan grad bogate kulture i prošlosti. Razvijanjem Visokog razvijale su se i specifične privredne grane, kao što je kožarstvo, grnčarstvo, čibučarstvo, po čemu Visoko postaje prepoznatljiva sredina. Zadatak lokalne zajednice je da stvara ambijent da bi se potaknuli investitori da investiraju u tu sredinu. Visoko je prepoznatljiva lokalna zajednica koja investitorima želi brzo pružiti potrebne odgovore i efikasno odgovoriti na njihove zahtjeve, dati određene povoljnosti i obezbijediti infrastrukturne uslove za pokretanje privrednih aktivnosti. Posredstvom domaćih i stranih investitora Visoko će u narednom periodu postati općina koja svojim građanima omogućava ambijent zdravog i ugodnog življenja.

ONASA: Kako biste ocijenili rad Općine Visoko u proteklom periodu? Kako ste stanje zatekli u Općini nakon preuzimanja funkcije načelnice?

A. BABIĆ: Nakon preuzimanja funkcije u Općini sam zatekla 3,6 miliona KM iskazanog budžetskog deficita. Općina Visoko opterećena je nizom dugovanja i finansijskih obaveza javnog sektora nastalih u prethodnom periodu, a čije razmjere ćemo tek u budućnosti u cjelosti sagledati. Tokom proteklog perioda nastojala sam općinski aparat učiniti učinkovitijim, transparentnijim, ekonomičnijim i od Općine stvoriti odgovornu javnu upravu koja će biti partner građanima, privrednicima, udruženjima civilnog društva i pokretač ekonomskog razvitka općine.

U posljednjih 16 godina, od završetka agresije na BiH do danas, imamo stagnaciju u razvoju Visokog. Napomenula bih da je 1991. godine u Visokom bilo zaposleno 13.500 osoba koje su, između ostalog, radile u gigantima kožarsko-tekstilne industrije, odnosno u preduzećima koja danas ne rade. U procesu tranzicije, kada je izvršena privatizacija ovih preduzeća, mnoga od njih nisu uspješno završila taj proces, tako da je i danas oko 67 posto tekstilnog kombinata u vlasništvu države.

Visoko je bilo prepoznatljivo kao grad poduzetnih ljudi, ali nažalost, taj imidž smo izgubili, što je možda i veći problem nego nestajanje velikih sistema. Još postoje samostalne djelatnosti koje pokazuju poduzetnost visokog stanovništva, ali ni blizu kako je to prije rata bio slučaj. Nadam se da ćemo u narednom periodu uspjeti vratiti ovaj duh i značajnije pokrenuti privredne aktivnosti.

ONASA: Koji su najznačajniji projekti koje je realizovala Općina Visoko u proteklom periodu?

A. BABIĆ: Kao najznačajnije projekte izvojila bih izgradnju ambulante porodične medicine u Donjem Moštru za 14.000 stanovnika koju je finansirala Turska međunarodna agencija za saradnju i razvoj (TIKA).

Također, u oblasti vodosnabdijevanja izgrađen je vodovod za Bučko-kralupsko područje, "Krečane2", izgrađen i proširen vodovod u Tušnjicima, završena je druga faza rekonstrukcije vodovoda Goduša...

Rekonstruisana je gradska vodovodna mreža u velikom broju gradskih ulica uz prateću infrastrukturu, potpisan je ugovor za izgradnju vodovodnog prstena u privredno-poslovnoj zoni Arnautovici-Ozrakovići, kreditnim sredstvima Njemačke banke za razvoj (KfW), a posredstvom Ministarstva finansija Federacije BiH (FBiH), izgrađena je prva dionica kolektora od Kožarskog do Betonskog mosta...

Kada je riječ o cestovnoj infrastrukturi, između ostalog, izgrađen je most na rijeci Bosni u privredno-poslovnoj zoni Arnautovici-Topuzovo polje i most na rijeci Fojnici u Prijekom, rekonstruisane i asfaltirane ulice u užem jezgru Visokog, urađen je projekat zaobilaznice iz pravca Kiseljaka, a radi se glavni projekat za izgradnju ulice Novo Naselje - ulica Branilaca uz osigurana sredstva za rješavanje imovinsko-pravnih poslova u Budžetu Općine.

ONASA: Koji su privredni subjekti nosioci razvoja općine?

A. BABIĆ: U sektoru kožarstva "Prevent-Sarajevo" d.o.o. Visoko i "Nerzz Bešlagić", u sektoru poljoprivrede "Suša comerce" Visoko (otkup mlijeka), zatim Opća zadruga "Bios" Visoko (plastenička proizvodnja), "Voćar-Piramida" d.o.o. Visoko i "Tuti-Funchi". U sektoru prerađivačke i prehrambene industrije to su: IM "Semić" d.o.o. Visoko, "Vimes" d.o.o. Visoko, "Vispak" d.o.o. Visoko, "Brovis" d.o.o. Visoko. U građevinarstvu "IGM" d.o.o. Visoko, a u uslužnim djelatnostima "Visokogas" d.o.o. Visoko, "Automatic-servis" d.o.o. Visoko, "Vinex" d.o.o. Visoko, "Del-Co" d.o.o. Visoko, "Vraco" d.o.o. Visoko, "R-Produkt2 d.o.o. Visoko i mnogi drugi.

ONASA: Koje grane privrede imaju najveće potencijale za ulaganje u Visokom i šta Općina čini kako bi privukla investitore?

A. BABIĆ: To je, prije svega, poljoprivreda, i tu šansu vidimo u razvoju plasteničke proizvodnje, preradi mlijeka i mesa, zatim kožarska i tekstilna proizvodnja, te razvoj postojećih, a neiskorištenih kapaciteta. Također, razvojnu šansu vidimo u turizmu. Općina čini napore da bi obezbijedila što povoljniji ambijent za dolazak i ulaganja domaćih i stranih investitora.

ONASA: Na koje oblasti su fokusirani strateški pravci Općine i koji su preduslovi za njihovu realizaciju?

A. BABIĆ: Obzirom da općina Visoko ima postojeće, a neiskorištene proizvodne kapacitete u oblasti tekstilne i kožarske industrije, strateški pravci Općine su usmjereni upravo na ove oblasti. Također, pored navedenih oblasti, Općina će u narednom periodu veći značaj dati poljoprivrednim resursima koji nisu dovoljno iskorišteni. Preduslovi za realizaciju ovih pravaca su stvaranje poslovnog ambijenta, privlačenje novih investicija, otvaranje novih radnih mjesta i podsticanje lokalnog stanovništva na samozapošljavanje.



Visoko

"Oko 30 posto stanovnika općine Visoko se snabdijeva pitkom vodom iz gradskog vodovoda. Također, sa samo 30 posto područja općine organizaciono se odvozi smeće... Ambicija Općine Visoko je da u narednom periodu pokuša ove sektore staviti u sistem javnih preduzeća, kako bi u naredne četiri godine više od 50 posto stanovništva imalo pitku vodu u svojim domaćinstvima."



Visoko, stare razglednice

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu



Visoko, čaršija

ONASA: Da li ste zadovoljni stepenom zaposlenosti na području općine Visoko i šta će općinska vlast uraditi na poboljšanju stope zaposlenosti, posebno mladih i obrazovanih kadrova?

A. BABIĆ: S obzirom na to da je procenat zaposlenosti u odnosu na ukupan broj radno aktivnog stanovništva 40,8 posto, nismo zadovoljni tim procentom.

Općina Visoko je u ovoj godini zaposlila 15 volontera VSS, što predstavlja brigu Općine Visoko za mlade ljude i cjelokupan napredak društva.

ONASA: Prema Vašem mišljenju, koji su najčešći problemi sa kojima se suočava općina Visoko?

A. BABIĆ: Najčešći problemi su loše provedena privatizacija ("Vitex", "Bosnafurnir", "Velepromet" itd.), kao i rad na crno. U oblasti trgovine to su nelojalna konkurencija, te nedostatak obrtnog kapitala. U oblasti turizma imamo problema kao što je nedostatak i nepovoljna struktura smještajnih kapaciteta, nedefinisana turistička ponuda i nedostatak finansijskih sredstava za realizaciju projekata za objekte komunalne infrastrukture.

Dosta problema nagomilalo se i u javnom sektoru, odnosno javnim preduzećima i ustanovama. Kao primjer, navela bih da je Općina Visoko osnivač Javnog komunalnog preduzeća "Gradska groblja", koje već niz godina vrši ekshumacije tijela nastradalih Srebreničana, Bratunčana i stanovnika Višegrada. Trenutno imamo određene probleme zbog toga što dio tih usluga nije naplaćen, odnosno još imamo neregulirane odnose čija nadležnost je briga o ovim djelatnostima. To je djelimično dovelo do kulminiranja problema u ovom preduzeću koje se trenutno nalazi u nezavidnom položaju. Kada je riječ o odvozu smeća, još jedna specifičnost koju ima općina Visoko, a koja predstavlja teret po budžet, jeste i odvoz smeća. Naša regionalna deponija je Mošćanica u Zenici, tako da smeće iz Visokog moramo voziti 120 kilometara. Troškove odvoza smeća najvećim dijelom subvencionira Općina Visoko. S obzirom na to da je realan budžet Općine 8,5 miliona KM, to je veliko opterećenje. Neuređenost javnog sektora, generalno, otežava funkcionisanje Općine u punom kapacitetu.

ONASA: Na čemu će biti akcenat rada u narednom periodu, odnosno koji su najznačajniji projekti čija je realizacija uskoro u planu?

A. BABIĆ: Svoj program rada temeljim na provođenju politike transparentnosti i zakonitosti u vršenju svih poslova u interesu lokalne zajednice. Želim da općina Visoko bude lokalna zajednica ugodnog življenja. Općina Visoko mora biti urbani prostor sa visokom kulturom stanovanja. Posebnu pažnju namjeravamo posvetiti zaštiti životne sredine. Nastavit ćemo razvijati saobraćajnu i komunalnu infrastrukturu. Tu bih izdvojila gradski vodovod, gdje imamo specifičnu situaciju. Oko 30 posto stanovnika općine Visoko se snabdijeva pitkom vodom iz gradskog vodovoda. Također, sa samo 30 posto područja općine organizaciono se odvozi smeće. To znači da imamo puno ekoloških problema i prioritet je njihovo rješavanje.

Ambicija Općine Visoko je da u narednom periodu pokuša ove sektore staviti u sistem javnih preduzeća, kako bi u naredne četiri godine više od 50 posto stanovništva imalo pitku vodu u svojim domaćinstvima. Poslije toga, radit ćemo na revitalizaciji kanalizacione mreže. Djeci ćemo osigurati mrežu kvalitetnih i moderno opremljenih odgojno-obrazovnih institucija sa razvijenim kulturnim i sportskim sadržajima. Razvijat ćemo efikasan sistem primarne zdravstvene i socijalne zaštite. Nastavit ćemo podržavati projekte koji su u interesu djece, omladine i penzionera. Iz iskustva znam da je jedini ispravan put uvažavanje potreba građana kroz otvoreni dijalog kako sa pojedincima, tako i sa organizovanim grupama, predstavnicima građana, savjeta mjesnih zajednica i nevladinim organizacijama (NVO).

ONASA: Kako ocjenjujete saradnju Općine sa Savezom općina i gradova Federacije BiH?

A. BABIĆ: Po prvi put Visoko je dobilo svoju predstavnicu u Predsjedništvu Saveza općina i gradova Federacije BiH. Rad Saveza je početak osnaživanja nadležnosti lokalnih samouprava, te uvođenje evropskih standarda na sve nivoe vlasti. Općina Visoko putem Saveza ima priliku ostvariti veću međuopćinsku saradnju, uticati na usvajanje zakona koje rade jedinice lokalne samouprave, te mnogo lakše pristupiti EU fondovima i realizovati projekte koji predstavljaju budućnost ove lokalne zajednice.

ZA ZAVRŠNO UREĐENJE KORITA VODOPADA PLIVE U JAJCU VLADA FBIH IZDVAJA 350.000 KM



Vlada Federacije Bosne i Hercegovine je 15. maja/ svibnja 2013. godine donijela Odluku o usvajanju Programa utroška sredstava "Transfer za sanaciju korita vodopada Plive – Jajce" za 2013. godinu Federalnom ministarstvu okoliša i turizma čime je predviđeno izdvajanje u ukupnom iznosu od 350.000 KM.

Za izradu projektne dokumentacije za završno uređenje desnog boka vodopada rijeke Plive u u Jajcu biće izdvojeno 50.000 KM, a za izvođenje radova i nadzor 300.000 KM.

Na ovaj način biće zaštićeni i sanirani dijelovi sedrenog masiva koji su nakon prethodne

konstruktivne sanacije desnog boka vodopada ostali nezaštićeni od daljeg urušavanja, te urediti pristupna staza (šetnica) ili drveni most i vidikovac na ovoj strani vodopada.

Predviđena je i sanacija i uređenje postojećeg puta za interventna vozila na lijevoj obali Vrbasa, natkrivanje vidikovca na lokaciji bivšeg Paviljona, postavljanje ograde, klupa za sjedenje, korpi za otpatke itd, te postavljanje rasvjete za cijeli prostor, posebno za vodopad.



NA CAZINSKIM ULICAMA POSTAVLJENI PRVI KONTEJNERI ZA SELEKTIVNO PRIKUPLJANJE OTPADA

CAZIN, 21. maj/svibanj – Cazinske ulice dobile su Eko otoke na kojima se nalaze po tri kontejnera za odlaganje papira, plastične ambalaže i stakla. Riječ je o projektu koji je implementiralo JKP "Čistoća", a finansijski podržalo Ministarstvo građenja, prostornog uređenja i zaštite okoliša USK, saopšteno je na općinskoj web stranici.

„Eko otoci su instalirani u urbanoj zoni Cazina na devet lokacija. Na svakoj su po tri kontejnera za selektirano prikupljanje otpada. Ovo je zapravo, početak jednog velikog projekta s kojim ćemo u narednom periodu uvesti selektirano odlaganje otpada u potpunosti, a



projekat je podržan od Kantonalnog ministarstva građenja, prostornog uređenja i zaštite okoliša i njegova vrijednost je 25.000 KM“, kaže Sedin Šišić direktor JKP "Čistoća".

Prema riječima načelnika općine Cazin Nermina Ogrševića, Cazin ima dobre preduvjete za razvoj ekološke svijesti kod građana. „Ovo predstavlja još jedan iskorak u našim ukupnim ciljevima koji se tiču kvalitnog upravljanja otpadom i nastojanjima da očuvamo ekološki čistu i zdravu sredinu. Mislim da je kod građana općine Cazin prisutna pozitivna atmosfera u pogledu ekologije i rada na očuvanju čiste životne sredine. To potvrđuje i posljednja akcija "Let's Do It" u kojoj je broj učesnika od preko hiljadu, premašio sva očekivanja. Siguran sam stoga, da će i ovaj projekat biti uspješan i da će nam donijeti pozitivne efekte“, rekao je načelnik Ogršević.

Resorna ministrica Sinha Kurbegović je rekla kako je to je jedan od projekata koji se finansiraju iz ekoloških naknada za 2012. godinu. „Projekat se potpuno uklapa u realizaciju kampanje 'Mobilizacija građana u selektirano odlaganje otpada'. Sam Zakon nalaže nam da moramo smanjiti količine otpada u nastanku i izdvojiti sve što je ponovo upotrebljivo i sve što možemo dalje transportovati kako bi u konačnici što više smanjili količinu otpada na samoj deponiji. Ovo je veoma dobar primjer koji će utjecati na razvijanje svijesti građana o selektiranju otpada“, istakla je Kurbegović.

Prvi učinci upotrebe kontejnera za selektirano odlaganje otpada u Cazinu su zadovoljavajući. Građani se ipak, pridržavaju pravila o odvojenom odlaganju otpada, no još uvijek ima dosta prostora za poboljšanja u ovoj i svim ostalim oblastima vezanim za odlaganje otpada.



Grb Općine Cazin



Cazin



Gradačac

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



POSJET ČLANA NJEMAČKOG BUNDESTAGA GRADAČČU

GRADAČAC, 23. maj/svibanj – Danas je u okviru posjete zemljama Balkana, gospodin Dietmar Nietan član Njemačkog Bundestaga i izvijestilac u Bundestagu za jugoistočnu Evropu posjetio općinu Gradačac.

Gospodin Dietmar Nietan je iz grada Durena sa kojim općina ima uspostavljene partnerske odnose od 2002. godine. U delegaciji sa visokim gostom bila je i gospođa Kristin Vilalabos, zaposlena u njemačkom Bundestagu za pitanja Evropske unije i Judith Illerhus direktorica Friedrich –Ebert –Stiftung u Bosni i Hercegovini.

Gospodin Dietmar sastao se u općini Gradačac sa mr.sci. Edisom Dervišagićem Općinskim načelnikom, Predsjedavajućim Općinskog vijeća Nedžadom Šečićem i predstavnicima političkih subjekata koji imaju članove u Općinskom vijeću.

Prijemu su prisustvovali i Dietmar Bandke počasni građanin Gradačca iz grada Durena i Ferhat Mustafić, poslanik u Skupštini TK-a koji je u vrijeme uspostave partnerstva obnašao funkciju Općinskog načelnika.

U razgovoru načelnik općine Edis Dervišagić je predstavio općinu Gradačac, kao i probleme i napore koje ova općina ulaže u razvoj.

Gospodin Dietmar Nietan je istakao da ga raduje saradnja i dobri partnerski odnosi dvaju gradova i da je u posjeti u cilju sagledavanja stanja u ovom dijelu Evrope kako bi izvijestio njemački parlament.

Tokom boravka delegacija je posjetila fabriku motornih dijelova Cimos TMD Ai, gdje se upoznalo sa proizvodnjom, koja je najvećim dijelom izvozno orijentisana prema zemljama Evropske unije, od kojih najviše za Njemačku.

U sklopu posjete njemačka delegacija izrazila je želju da obiđe vjerske institucije Pravoslavnu crkvu, Katoličku crkvu i džamiju Husejiniju, a tom prilikom su upoznati sa najznačajnijim podacima o vjerskom životu i samim objektima.

Gospodin Dietmar Nietan se u ime delegacije zahvalio za posjetu i naglasio kako je vrlo važno da se poštuju sve tradicije i da postoji vjerska tolerancija.

Iskoristio je priliku da istakne zahvalnost za dobru saradnju grada Durena i općine Gradačac, na što je on, kao poslanik koji zastupa grad Dueren u Bundestagu, veoma ponosan.



PREDSTAVNICI TURSKE RAZVOJNE AGENCIJE TIKA U POSJETI OPĆINI ODŽAK

ODŽAK, 14. maj/svibanj – Delegacija Turske razvojne agencije TIKA, predvođene direktorom, Zulkufom Oručem, posjetila je jučer Općinskog načelnika, Hajrudina Hadžidedića, navodi se na općinskoj web stranici.

U ovoj, inače prvoj, radnoj posjeti predstavnika agencije TIKA općini Odžak, pored gostiju iz Turske bili su i muftija tuzlanski, Vahid ef. Fazlović, predsjednik Skupštine Županije Posavske, Mario Jurkić i njegov zamjenik, Anes Osmanović.

Tijekom susreta u uredu načelnika razgovori su vođeni u pravcu uspostavljanja bliske institucionalne suradnje općine Odžak sa Agencijom TIKA i općenito Republikom Turskom, razvijanje partnerskih odnosa i mogućnosti ulaganja Republike Turske na prostoru općine Odžak.

Općinski načelnik je upoznao je Oruča sa aktualnim, ali i projektima i aktivnostima predviđenim Strategijom razvoja općine Odžak, pri čemu je posebice naglasio povoljan geostrateški položaj općine Odžak i ulogu Koridora Vc za njezino područje, prirodne, kadrovske, kulturno povijesne i druge potencijale kojima lokalna zajednica raspolaže, među kojima posebno značajno mjesto zauzimaju poljoprivredno zemljište i turistički potencijali. Načelnik je također naglasio činjenicu kako općina Odžak posjeduje dvije poslovne zone koje otvaraju mogućnosti ulaganja u proizvodne kapacitete, ponajprije u sferi poljoprivredne, drvoprerađivačke i metalske industrije, te turističkih sadržaja. Tijekom razgovora načelnik je ukazao i značajnu ulogu IPA projekata prekograničnog programa suradnje Bosne i Hercegovine i Republike Hrvatske, pri čemu se prekogranična suradnja javlja se kao neophodan proces, kako bi se na najučinkovitiji način iskoristio širok spektar razvojnih mogućnosti koje nudi Europska Unija kao potencijal za rješavanje zajedničkih problema dviju susjednih država.





Odžak

„Naša želja i naš cilj je da, obzirom da je TIKa do sada realizirala veliki broj projekata na području Bosne i Hercegovine, prepozna i općinu Odžak u svojim projektima, i implementira na području naše lokalne zajednice projekte koji će biti od koristi svim njenim građanima, posebice onih koji se nalaze u teškim socioekonomskim prilikama, jer to naši građani zaslužuju. Ja se nadam kako će TIKa imati razumijevnja i za naše građane kao što je do sada imala za ulaganja u veći broj bosanskohercegovačkih općina i da ćemo biti u prilici da to na konkretan način potvrdimo i obilježimo“, istaknuo je načelnik.

Opredjeljenje TIKa-e, prema riječima Oruča, je poticati iniciranje i realizaciju projekata u različitim oblastima, ponajprije u oblasti obrazovanja, zdravstva, socijalne skrbi, te razvojnih poduzetničkih projekata.

Inače, posredstvom Agencije za međunarodnu saradnju i razvoj (TIKA) Republika Turska je od 1995. godine do danas u Bosni i Hercegovini realizirala čitav niz veoma uspješnih projekata. Interes je ponajprije bio usmjeren na objekte infrastrukturnog sadržaja, osuvremenjavanje obrazovnog procesa, restauraciju i rekonstrukciju objekata kulturno-povijesnog sadržaja, vjerskih objekata, opreme, poboljšanja uvjeta rada zdravstvenih ustanova i drugih sadržaja.

DELEGACIJA BRČKO DISTRIKTA BiH UČESTVOVALA U RADU SKUPŠTINE EVROPSKIH REGIJA


BRČKO, 20. maj/svibanj – Delegacija Brčko distrikta BiH predvođena predsjednikom Skupštine Brčko distrikta BiH Đorđom Kojićem i zamjenikom gradonačelnika Brčko distrikta BiH Esedom Kadrićem boravila je u radnoj posjeti Skupštini evropskih regija u Parizu, Francuska, gdje je u prisustvu svojih 250 kolega, donosilaca odluka na nacionalnom i regionalnom nivou iz različitih krajeva Evrope, dala značajan doprinos radu ove najveće asocijacije regija Evrope, navodi se na web stranici Brčko distrikta BiH.

Svojim prisustvom, poštovanje rada ove asocijacije iskazali su brojni predstavnici vodećeg evropskog bankarskog sektora te gospoda Janusz Lewandowski, Evropski komesar za finansijsko programiranje i proračun, Jean-Paul Huchon, predsjedavajući regionalnog vijeća Ile-de-France (F) te Laurent Fabius, ministar vanjskih poslova Francuske.

Od 2009. godine Brčko distrikt BiH član je Skupštine evropskih regija (izvorno: The Assembly of European Regions – AER), dakle ove najveće nezavisne mreže regija u širem pojasu Evrope. Sa svojih 250 regija iz 35 zemalja i 16 međunarodnih organizacija, Skupština evropskih regija predstavlja artikuliran i uticajan politički glas svojih članica te jedinstvenu platformu za međuregionalnu saradnju.

Predsjednik Skupštine Brčko distrikta BiH Đorđa Kojić je u odvojenim bilateralnim susretima sa predstavnicima regija Kaernten i Beč (Austrija) dogovorio jaču regionalnu saradnju sa ciljem pronalazjenja investitora i razmjene iskustava između gospodarstvenika radi kvalitetnijeg i konkurentnijeg nastupa na širem evropskom tržištu. Izražena je spremnost sudjelovanja u radu regionalnog tijela Alpe-Adria kojim koordinira upravo regija Kaernten. Predsjednik Skupštine Brčko Distrikta BiH Kojić je sa predstavnicima regija Baden-Wuerttemberg (Njemačka), Fribourg (Švajcarska) te Borsod-Abaúj-Zemplén (Mađarska) uspješno vodio pregovore sa ciljem zajedničkog nastupa u korištenju dostupnih programa Skupštine evropskih regija „Rur@ct“ (program usmjeren ka razmjeni iskustava i dobre prakse regija koje posjeduju izvrsnost u određenim sektorima prema regijama koje su u fazi razvijanja određenih politika i programa) i „Eurodyssee“ (inovativni program usmjeren ka uspostavi sistema profesionalne mobilnosti između regija članica za mlade koji traže inicijalno uposlenje u svojoj struci). Pascal Georgen, generalni tajnik Skupštine evropskih regija je pohvalio proaktivan i konstruktivan pristup u nastupu delegacije iz Brčko distrikta BiH te je prihvatio inicijativu da se u Brčko distriktu BiH održi tematska konferencija na temu investiranja u Brčko distrikt BiH sa ciljanom potporom Skupštine evropskih regija razvoju privrednih inicijativa.

Tom prilikom zamjenik gradonačelnika Brčko distrikta BiH Esed Kadrić je istakao šire poznate potencijale Brčko Distrikta BiH, a to su izvanredna geografska pozicija sa 30 km udaljenosti od međunarodnog autoputa, 50 km od međunarodnog željezničkog čvorišta koje povezuje Istok i Zapad sa vezom prema Luci Ploče, potencijale vodenog puta koje povezuje Brčko distrikt BiH sa Dunavom i ostatkom jugoistočne i centralne Evrope, sigurnost za investitore, opredijeljenost ka stvaranju konkurentnosti kroz pozitivan poslovni ambijent i partnerstvo sa privrednicima, konkurentna radna snaga, tradicija industrije te evropsko opredjeljenje Brčko distrikta BiH.



Sa zasjedanja Skupštine evropskih regija



Sa zasjedanja Skupštine evropskih regija

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu



Projekat finansira
Evropska unija



Ministarstvo pravde
Bosne i Hercegovine



Empowered lives.
Resilient nations.



Savez općina i gradova
Federacije BiH

Prilikom ovog zasjedanja generalnog saziva svojih članica, Skupština je jednoglasno usvojila 10 preporuka koje je predložila počasnica bivša predsjednica Michèle Sabban, a koje su se pored jačanja uloge regija u kontekstu institucija Evropske unije i procesa evropskih integracija u značajnoj mjeri dotakle i mjera prevazilaženja ekonomske krize: usklađivanja rada sektora s budućim trendovima kao ključa regionalnog ekonomskog oporavka, fokus ka mladim ljudima u kontekstu evropske mobilnosti i budućih šansi za zaposlenje, stvoriti uslove za korištenjem kreativnog potencijala naših regija poput ulaganja u poduzetništvo, raditi na osiguranju održivog poticaja za naše lokalne i regionalne poduzetničke inicijative, regije su ključ integracijskih procesa, povratiti povjerenje građana u institucije, popraviti imidž Evrope u očima građana, stvaranje partnerstva sa institucijama EU i učešće regija u procesu odlučivanja, međunarodni nastup regija i osigurati regionalni interes u evropskim politikama kroz uspostavu harmonizacije i pojednostavljivanje procedura za korištenje programa i jačanja koordinacije djelovanja kroz Skupštinu evropskih regija.

Delegacija Brčko distrikta BiH su pored predsjednika Skupštine Đorđa Kojića i zamjenik gradonačelnika Eseda Kadrića kao političkih predstavnika Brčko distrikta BiH kao regije članice sačinjavali i predstavnici Ureda za evropske integracije kao predstavnici u operativnim strukturama Skupštine evropskih regija.

MAPIRANJE RASPOLOŽIVIH FINANSIJSKIH SREDSTAVA ZA FINASIRANJE PROJEKATA NA LOKALNOM NIVOU

Savez općina i gradova FBiH pokrenuo je novu uslugu za svoje članice, a koja se odnosi na prikupljanje informacija od državnih, federalnih i javnih institucija u BiH koje imaju na raspolaganju finansijska sredstva za realizaciju prioriteta na lokalnom nivou u toku 2013. i eventualno 2014. godine. Ove informacije predstavljaju vrstu "ranog informisanja" lokalnih vlasti, privatnog i nevladinog sektora iz Federacije BiH kako bi na vrijeme mogli planirati i pripremiti prijave/projekte, te, na taj način uspješno iskoristiti raspoloživa finansijska sredstva namijenjena za realizaciju lokalnih prioriteta i zadovoljenje potreba na lokalnom nivou. Ove informacije će biti redovno ažurirane i objavljivane na web stranici Saveza općina i gradova FBiH. Do sada prikupljene informacije o raspoloživim finansijskim sredstvima vidljive su na web stranici Saveza.

NAJAVA ODRŽAVANJA DVA OKRUGLA STOLA NA TEMU: „ISKUSTVA I POTEŠKOĆE JLS U VEZI SA RASPODJELOM BUDŽETSKIH SREDSTAVA OCD“

Savez općina i gradova Federacije BiH, u saradnji sa Razvojnim programom ujedinjenih nacija (UNDP), od 01. januara/siječnja 2013. godine počeo je sa implementacijom projekta "Podrška jačanju lokalne samouprave FBiH u pružanju efektivnijih i efikasnijih usluga". Projektna aktivnosti Saveza definisane su kroz saradnju sa partnerima tri projekta koje implementira UNDP i to:

- LOD (Projekat "Jačanje lokalne demokratije/dekoracije III (LOD III) koji finansira Evropska unija),
- ILDP ("Projekat integritetnog lokalnog razvoja", koji finansira SDC – Švicarska agencija za razvoj i saradnju) i
- MTS (Projekat "Sistem obuke za jedinice lokalne samouprave", koji finansira Sida – Švedska agencija za međunarodni razvoj i saradnju).

Komponentu LOD III, koji je treći nastavak projekta "Jačanje lokalne demokratije" finansira Evropska unija iz sredstava Instrumenta za prepristupnu pomoć (IPA) u iznosu od 2 miliona eura, a sprovodi Razvojni program Ujedinjenih nacija u Bosni i Hercegovini (UNDP BiH). Cilj projekta je **doprinos demokratskoj stabilizaciji, pomirenju i daljnjem razvoju BiH** kroz podršku odabranim JLS-ovima u uspostavljanju boljih odnosa između lokalnih vlasti i civilnog društva, te stvaranju finansijskih mehanizama za unaprijeđeno pružanje usluga.

Kao jedna od aktivnosti Saveza u komponenti LOD III je podrška horizontalnoj integraciji LOD metodologije kroz **organizaciju okruglih stolova za jedinice lokalne samouprave s ciljem prikupljanja informacija o iskustvima i poteškoćama jedinica lokalne samouprave u vezi sa raspodjelom budžetskih sredstava organizacijama civilnog društva**. LOD metodologija je mehanizam za transparentno finansiranje projekata organizacija civilnog društva po standardima EU.

U skladu s time, Savez organizira dva okrugla stola, i to u **Vitezu 28.05.2013., hotel „Central“ - Franšizni centar i Olovu 30.05.2013., zgrada Općine Olovo, sala Općinskog vijeća, sa početkom u 11 sati.**

Savez / Zajedno za uređenu i razvijenu lokalnu samoupravu

Savez općina i gradova Federacije
Bosne i Hercegovine

Musala 5/1

71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u



POSJETITE NAS NA WEB-U

WWW.SOGFBIH.BA

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

DANI OPĆINA ZA MJESEC JUNI/LIPANJ I BITNI DATUMI ZA SAVEZ

- **02. juni/lipanj - Dan Općine Gračanica.** Na ovaj datum 1429. godine nastao je najstariji pisani dokument o historijskom razvoju gračaničkog kraja u kojem se spominje srednjovjekovni grad Soko, za kojeg se vezuje ime Gračanice. Naime, riječ je o ženidbenom ugovoru između kneza Radivoja i Nikole Veličkog iz 1429. godine, u kojem se Knez Radivoje sklapajući brak sa Katarinom, kćerkom slavonskog feudalca Nikole od Velike (mjesto blizu Slavonske Požege), 2. juna 1429. godine, u Budimu, obavezao da će tastu i punici Margariti, pored ostalog, pokloniti polovinu Sokola i dio svojih imanja u Bosni i Slavoniji.
- **08. juni/lipanj - Dan Općine Novi Grad Sarajevo.** Ovaj datum predstavlja historijski značajan događaj za opstanak, život i blagostanje njenih građana. Na ovaj dan 1992. godine oslobođen je strateški važan lokalitet brda Žuč čime je zaustavljeno krvavo sijanje smrti i spriječen prodor agresora u grad.
- **12. juni/lipanj - osnovana Zajednica opština i gradova SRBiH.** Dana 12.06.1972. godine u Zenici formirana je Zajednica opština i gradova SRBiH sa ciljem unapređenja i razvoja sistema lokalne samouprave, međuopćinske i međunarodne saradnje.
- **14. juni/lipanj - Dan Općine Novi Travnik.** Na taj dan 1949. godine Josip Broz Tito, kao predsjednik Vlade Federativne Narodne Republike Jugoslavije i ministar narodne obrane, potpisao je Rješenje o osnivanju poduzeća «Bratstvo» na poljima sela Kasapovići, današnji Novi Travnik. Uporedo sa izgradnjom tvornice krenulo se i sa izgradnjom prvih stambenih zgrada, što je s vremenom izraslo u grad.
- **16. juni/lipanj - Dan Općine Konjic.** Ovaj dan je značajan za Konjic jer predstavlja sjećanje na prvo pisano spominjanje imena Konjic iz 1382. godine.
- **19. juni/lipanj - Dan Općine Živinice.** Toga dana 1959. godine odlukom Narodne skupštine NR BiH Živinice dobijaju status općine.
- **21. juni/lipanj - Dan Općine Srebrenik.**
- **24. juni/lipanj - Dan Općine Vogošća.** Za spomenuti datum se vežu dva bitna događaja iz 1953. godine, kada je Općina Vogošća prvi put u historiji uspostavljena kao institucija odnosno jedinica lokalne samouprave, i 1992. godine, tokom odbrambeno-oslobodilačkog rata kada su formirani "Vogošćanski odredi" u Vogošći.



Gračanica



Novi Grad Sarajevo



Konjic



Srebrenik



Savez / Zajedno za uređenu i razvijenu lokalnu samoupravu